

## I.

Jere. 25.  
27.  
2. Par. 36.



## Im Ersten Jar Cores des Cores

königes in Persen / Das erfüllet würde das wort des HERRN / durch den mund Jeremia geredt / erwecket der HERR den geist Cores des königes in Persen / Das er lies ausschreien durch sein ganzes Königreich / auch durch Schrift / vnd sagen / so spricht Cores der König in Persen / Der HERR der Gott von himel hat mir

nach ausgang der 70. jaren leste das volck in Judeam ziehen / den Tempel vnd die Stad Jerusalem wider zu bawen.

alle Königreich in Landen gegeben / vnd er hat mir befolhen im ein Haus zu bawen zu Jerusalem in Juda. Wer nu vnter euch seins Volcks ist / mit dem sey sein Gott / vnd er ziehe hin auff gen Jerusalem in Juda / vnd bawe das Haus des HERRN des Gottes Israel / Er ist der Gott der zu Jerusalem ist. Vnd wer noch vbrig ist / an allen Orten / da er frembding ist / dem helffen die Leute seins orts mit silber vnd gold / gut vnd vich / aus freiem willen zum hause Gottes zu Jerusalem.

Da machten sich auff die obersten Veter aus Juda vnd Ben Jamin / vnd die Priester vnd Leuiten / alle der geist Gott erwecket / hin auff zu ziehen vnd zu bawen das Haus des HERRN zu Jerusalem. Vnd alle die vmb sie her waren / sterckten ire hand mit silbern vnd gülden Gerete / mit gut vnd vich / vnd kleint / On was sie freiwillig gaben.

Vnd der König Cores thet er aus die gefesse des Hauses des HERRN die NebucadNazar aus Jerusalem genommen / vnd in seines Gottes haus gethan hatte. Aber Cores der König in Persen thet sie er aus durch Mithredath den Schatzmeister / vnd zeleet sie dar Sesbazar dem fürsten Juda. Vnd dis ist Sesbazar. fre zal / Dreissig güldene Becken / vnd tausent silbern Becken / neun vnd zwenzig Messer / dreissig güldene Becher / vnd der andern silbern Becher / vier hundert vnd zehen / vnd ander Gefesse tausent. Das aller Gefesse beide gülden vnd silbern / waren fünff tausent vnd vier hundert / Alle bracht sie Sesbazar er auff mit denen die aus dem Gefengnis von Babel erauff zogen gen Jerusalem.

Jes. 5.

Sesbazar.

## II.

Die sind die Kinder aus den Landen / die er auff zogen aus dem Gefengnis / die NebucadNazar der König zu Babel hatte gen Babel gefürt / vnd wider gen Jerusalem vnd in Juda kamen / ein iuglicher in seine Stad. Vnd kamen mit Serubabel / Jesua / Nehemja / Seraja / Reelja / Mardochai / Bilsan / Mispar / Bigenai / Rehum vnd Baena.

Summa der so nach den 70. jaren aus dem Gefengnis zu Babel erauff gezogen sind etc.

Is ist nu die zal der Menner des volcks Israel. Der Kinder Parees / zwey tausent / hundert vnd zwey vnd siebenzig. Der Kinder Sephatja / drey hundert vnd zwey vnd siebenzig. Der Kinder Arah / sieben hundert vnd fünff vnd siebenzig. Der Kinder Pahath Moab vnter der kindern Jesua / Joab / zwey tausent / acht hundert vnd zwelffe. Der Kinder Elam / tausent zwey hundert vnd vier vnd funffzig. Der Kinder Sathu / neun hundert vnd fünff vnd vierzig. Der Kinder Sacai / sieben hundert vnd sechzig. Die Kinder Bani / sechs hundert vnd zwey vnd vierzig. Der Kinder Bebai / sechs hundert vnd drey vnd zwenzig. Der Kinder Asgad / tausent zwey hundert vnd zwey vnd zwenzig. Der Kinder Adonikam / sechs hundert vnd sechs vnd sechzig. Der Kinder Bigenai / zwey tausent vnd sechs vnd funffzig. Der Kinder Adin / vier hundert vnd

v üj

vier vnd